

## ظریفین ملّی امنیت کمسیونوندا اروپا بیرلیغی نین ضد ایرانی قطعنامه سینه شدتلی اعتراضی

خارجی ایشلر وزیری اروپا بیرلیغی نین اخیر قطعنامه سینه شدتلی اعتراضینان تأکید ائله دی: اروپا پارلمانی آیری مملکتلرین وضعیتی باره ده نظر وئرماق شأنینده دئییل.



خارجی ایشلر وزیری اروپا بیرلیغی نین اخیر قطعنامه سینه شدتلی اعتراضینان تأکید ائله دی: اروپا پارلمانی آیری مملکتلرین وضعیتی باره ده نظر وئرماق شأنینده دئییل.

محمد جواد ظریف مجلسین خارجی سیاست و ملی امنیت کمسیونونون دعوتی اینن بو کمسیوندا حاضر اولدو. او جلسه نین باشلانیشیندا تازا ایلین گلمه سینی تریک دئماغینان اهمیتی خارجی سیاستده مجلس اینن دولتین یاخیندان ایش بیرلیغی نین اولماسینا اومیدوارلیغینی بیلدیردی.

ظریف ادامه ده اروپا پارلمانی نین اخیر قطعنامه سینه شدتلی اعتراضینی بیلدیرماغینان تأکید ائله دی: اروپا پارلمانی آیری مملکتلرین وضعیتی باره ده نظر وئرماق اوچون اخلاقی موقعیتده دئییل. بو پارلمانی اروپا داخلینده کی مناسبتلرینده چوخ آز موقعیتی، و بین المللی رابطه لرده حاشیه موقعیتی وار. بونا گوره ائله بئرده دئییل کی اونا چوخ اهمیت وئرماق و بو حده قدر اونان دانیشماق لازم اولسون.

ظریف تأکید ائله دی: دولت قطعنامه ده کی بازیلان شرطلرینن هنج اروپالی هیاته ایرانه سفر ائله ماغا اجازه وئرمیه جاق. اروپالیلار بیلمه لیدیلر کی بیزیم دولت متقابل احترام ایستیر و اهانتلی حرکتلر و دخالت ائله نین اقداملارا دوزه بیلمز.

خارجی ایشلر وزیری هابئله ایرانلیلارین بارماق ایزینی آلان اولکه لرینن متقابل رفتاری ائله ماق ایکی فوریتلی طرحین اجرا اولماسینا هنج مانع بیلمه دی و مدرن وسیله لرین و ال وئریشلی سیستمین اولماسی شرطی اینن اولکه نین امنیتینی محافظت ائله ماغا بو ایشی لازم بیلدی.

لینک مطلب در سایت : <http://torki.tebyan-tabriz.ir/?MID=21&Type=News&id=794>